

«Рабочий класс Советской Армении в период развитого социализма», Изд-во АН Армянской ССР, Ереван, 1982, 239 с.

«Սովետական Հայաստանի բանվոր դասակարգը զարգացած սոցիալիզմի ժամանակաշրջանում», Հայկական ՄՍՀ ԳԱ հրատարակչություն, Երևան, 1982, 239 էջ:

Սովետական հասարակության զարգացման հետ միասին աճում է նաև բանվոր դասակարգի դերը: Զարգացած սոցիալիզմի ժամանակաշրջանում, երկրի բանվոր դասակարգի (ինչպես նաև նրա ազգային շեկատեսների) պատմության մարքսիստական մեկնաբանումը, նրա քանակական, որակական փոփոխությունների վերլուծությունն առավել ևս ունեն գիտատեսական և դործնական կարևոր նշանակություն: Այդ իսկ պատճառով վերջին տարիներին այդ պրոբլեմների լուսաբանմանը մեզանում լուրջ ուշադրություն է դարձվում: Դրա վկայություններից է նաև զրախուսող հոգեմանքի ժողովածուն, որի հեղինակային կոլեկտիվը հարուստ արխիվային, վիճակագրական և փաստական նյութի հիման վրա ընեն է Հայաստանի բանվոր դասակարգի բազմակողմանի և բազմաբեղուն դործունեությունը, ցույց տվել նրա առաջատար դերը հանրապետության կյանքի բոլոր բնագավառներում, ընդգրկելով նրա արտադրական, հասարակական-քաղաքական դործունեությունը, սոցիալական ակտիվությունը, ինչպես նաև այն քանակական ու որակական փոփոխությունները և սոցիալ-դասակարգային տեղաշարժերը, որոնք նշատարվել ու կատարվում են ինչպես բանվոր դասակարգի կազմում, այնպես էլ հասարակության սոցիալական կառուցվածքում:

Չնայած աշխատությունը նվիրված է զարգացած սոցիալիզմի ժամանակաշրջանի բանվոր դասակարգի պատմությանը, հեղինակային կոլեկտիվը նպատակահարմար է գտել առանձին գլխով (առաջին գլուխ, հեղինակ՝ Ա. Գրիգորյան), թուղթիկ ցույց տալ 1920-ական թվականներից մինչև 1950-ական թվականների վերջը հանրապետության բանվոր դասակարգի ձևավորման, զարգացման պատմությունը, նրա անցած պատմական ուղու գլխավոր արդյունքները:

Անցնելով հիմնական նյութի շարադրմանը, հեղինակային կոլեկտիվը մեթոդաբանական տեսակետից ճիշտ է վարվել աշխատության երկրորդ գլուխը (հեղինակներ՝ Կ. Խոզաբեկյան, Վ. Խոջաբեկյան) նվիրելով հանրապետության ինդուստրիալ զարգացման հիմնական գծերի մեկնաբանմանը: Նրանում տրված է զարգացած սոցիալիզմի բնորոշ գծերի և փուլի գնահատականը, լուսաբանված են հանրապետության էկոնոմիկայի կառուցվածքում կատարվող փոփոխությունները, արդյունաբերության տեղաբաշխման ուղղությամբ Հայաստանի կոմկուսի Կենտկոմի և կառավարության դրական աշխատանքը: Այս գլխում համառոտ ըննվել են հանրապետության ինդուստրիալ զարգացման հիմնական միտումներն ու ուղղությունները, իրավացիորեն նշվել է, որ Հայաստանի արդյունաբերության զարգացումը ներկա փուլում ընթանում է այն նույն օրինաչափություններով, ինչը հատուկ է ամբողջ երկրին (էջ 88): Սա նշանակում է, որ Հայկական ՄՍՀ-ն ևս ունի տնտեսական մեծ պոտենցիալ, ակտիվորեն է մասնակցում աշխատանքի համամիութենական բաժանմանը և իր ներդրումն ունի կոմունիստական հասարակարգի նյութատեխնիկական բազայի ստեղծման գործում:

Գրախոսվող աշխատության մեջ հատուկ գլուխ է հատկացված (երրորդ գլուխ, հեղինակ՝ Մ. Գրիգորյան) հանրապետության բանվոր դասակարգի կառուցվածքում բանակալան և որակական փոփոխությունների մեկնաբանմանը, մանրամասնորեն ցույց են տրված բանվոր դասակարգի շարքերի համալրման աղբյուրները և ձևերը: Հեղինակը նշում է, որ զարգացած սոցիալիզմի պայմաններում բանվոր դասակարգի համալրման գլխավոր գործոնը հանրակրթական դպրոցն է (էջ 91): Սակայն նման հարցադրումը ճիշտ չէ, քանի որ բանվոր դասակարգի շարքերի համալրման հիմնական աղբյուրը պրոֆտեխնիկական ուսումնարաններն են, որոնց շրջանավարտներն աճելի անմիջականորեն են համալրում բանվոր դասակարգի շար-

քերը: Ի դեպ, նկատենք, որ միայն 10-րդ հնգամյակի ընթացքում երկրի բանվոր դասակարգի շարքերը համալրածների երկու երրորդը մասնագիտական կրթություն է ստացել պրոֆեսիոնալ-տեխնիկական կրթության սխտանմամբ, նույն միտումն օրինալի է նաև մեր հանրապետության համար: Վերլուծելով հանրակրթական դպրոցների շրջանավարտների և բուհ ընդունվողների համամասնությունը, Մ. Գրիգորյանը գրել է, որ 1975—1979 թթ., դպրոցների շրջանավարտների աճելի քան 80%-ը չի ընդունվել բուհ, այլ, որպես կանոն, աշխատանքի է անցել ժողովրդական տնտեսության տարբեր բնագավառներում: Կարծում ենք, որ նման ընդհանրացումը ճիշտ չէ: Սխալ է կարծել, որ բուհ ընդունված դպրոցների շրջանավարտները, որպես կանոն, աշխատանքի են անցնում ժողովրդական տնտեսության տարբեր բնագավառներում: Նախ, բուհ ընդունվող երիտասարդների մի մասն ընդունվում է միջնակարգ մասնագիտական ուսումնական հաստատություններ կամ էլ տեխնիկական ուսումնարաններ և երբեմն էլ չի ընդունվում որե՛ն տեղ աշխատելու կամ սովորելու: Բացի այդ, հայտնի է, որ վերջին մի քանի տարիներին հանրապետության բանվոր դասակարգը աճել է տարեկան միջինը 25—30 հազարով, իսկ այդ նույն ընթացքում հանրապետության պրոֆտեխնիկական ուսումնարանները տվել են տարեկան միջինը 30 հազար շրջանավարտ: Սրանից դժվար չէ եզրակացնել, որ հանրապետության բանվոր դասակարգը գլխավորապես համարվել է պրոֆտեխնիկական ուսումնարանների հաշվին, որոնց մի մասը, անշուշտ, միջնակարգ դպրոցների շրջանավարտներն են:

Բանվոր դասակարգի քանակական և որակական աճի հետևանքով հասարակության սոցիալական կառուցվածքում տեղի են ունենում արմատական տեղաշարժեր, որոնք, վերջին հաշվով, նպաստում են սոցիալական միատարր հասարակության ստեղծմանը: Այդ պրոցեսում ևս բանվոր դասակարգն ունի առաջատար դեր, որի մեկնաբանման էլ նվիրված է գրախոսվող աշխատության շորորդ գլուխը՝ «Բանվոր դասակարգը հանրապետության սոցիալական կառուցվածքում» (հեղինակ՝ Ս. Ամիրյան): Նրանում փաստական հարուստ նյութի հիման վրա ցույց է տրված անցման շրջանից հետո բանվոր դասակարգի բաժինը հանրապետության սոցիալական կառուցվածքում: Բանվոր դասակարգը լինելով սոցիալիզմի կառուցման գլխավոր ուժը, այնուամենայնիվ, 1939 թ. հանրապետությունում դեռ կազմում էր բնակչության ընդամենը 17,6%-ը: Հանրապետության էկոնոմիկայի բուռն զարգացումը կապված է ետպատերազմյան շրջանի հետ. արդեն 1960-ական թվականների սկզբներին Հայաստանի բանվոր դասակարգը դարձավ բնակչության մեծաքանակ սոցիալական խումբը՝ 58%, 1970 թ. մարդահամարի նվաճելուց ցույց տվեցին, որ բանվոր դասակարգը գրեթե միոլմենական բուլոր հանրապետություններում դարձել է առնաբազմաքանակ սոցիալական խումբը: Այդ միտումը շարունակում էր գործել նաև 1970-ական թվականներին, որի մասին վկայում են 1979 թ. համալրված նպաստի մարդահամարի տվյալները (էջ 118): Ծիշտ կլինեք, եթե Ս. Ամիրյանն իր ասածը հիմնավորեք կոնկրետ փաստերով՝ հենվելով այդ մարդահամարի տվյալների վրա: Ի դեպ, 117—118 էջերում նշվում է, որ 1970 թ. հանրապետության բնակչությունը կազմում էր 2 մլն. 493 հազ., որից 1 մլն. 448 հազարը բանվոր դասակարգն էր: Ինչ խոսք, այդ թիվը չի համապատասխանում իրականությանը, քանի որ 1970 թ. հանրապետության բանվոր դասակարգի թիվը ասանում էր ընդամենը 593 հազարի: Բացի այդ, անհրաժեշտ էր ավելի հստակ որոշել բանվոր դասակարգի սոցիալական սահմանները: Ինչ խոսք, ճիշտ է, որ գիտատեխնիկական հնդափոխության հետևանքով փոխվում է բանվորի աշխատանքի բովանդակությունը, դրանում մեծ տեղ է գրավում մտավոր բաժինը և այլն, բայց դրանից եզրակացնել, թե բանվոր դասակարգի սոցիալական սահմաններն ընդլայնվում են, ընդգրկելով նաև ծառայողներին և մտավորականության առանձին խմբեր (էջ 123), ճիշտ չէ: Նման մեկնաբանումը տեղիք է տալիս բանվոր դասակարգի սահմանների արհեստական ընդլայնման, որը կարող է

¹ Հաշվումները կատարվել են մեր կողմից՝ «Народное хозяйство Армянской ССР в 1980 г.» (Ереван, 1981) վիճակագրական ժողովածուի 151 և 163 էջերի տվյալների հիման վրա:

² «Народное хозяйство СССР в 1980 г.», Статистический ежегодник, М., 1981, с. 361; «Народное хозяйство Армянской ССР в 1980 г.», Статистический ежегодник, Ереван, 1981, с. 151.

դառնալ սխալ հետեւության պատճառով, Իհարկե, բանվոր դասակարգի շարքերի ընդլայնումն օրյեկտիվ պրոցես է, բայց դա տեղի է ունենում ոչ թե ինժեներների և ծառայողների առանձին խմբերի բանվորներ դառնալու, այլ շնորհիվ այն բանի, որ գիտատեխնիկական հեղափոխության հետեւանքով առաջանում են նոր մասնագիտություններ, որոնք պահանջում են անդամ ինժեներական գիտելիքներ Սա էլ նշանակում է, որ տեղի է ունենում բանվորների և ինժեներատեխնիկական աշխատողների աշխատանքային մերձեցում և ոչ թե բանվոր դասակարգը կույ է տալիս, կլանում է մյուս խավերին: Իսկ այդ պրոցեսում առաջատար գերը պատկանում է բանվոր դասակարգին: Նույն գլխի երկրորդ պարագրաֆում այդ տեսակետից միանգամայն ճիշտ և հաջողված է ցույց տրված բանվոր դասակարգի առաջատար դերը սոցիալական միատարր հասարակության կառուցման գործում: Ընդհանրապես հեղինակի այն եզրակացությունը, որ սոցիալիստական դասակարգերի և հասարակական խմբերի միջև տեղի են ունենում փոխազդեցություն, մերձեցման պրոցես, ընդ որում հասարակության մյուս սոցիալական խմբերը ձեռք են բերում բանվոր դասակարգի բարոյական հատկանիշները և սոցիալական դժեբը (էջ 124):

Բանվոր դասակարգի առաջատար դերը զարգացած սոցիալիզմի ժամանակաշրջանում մեծ չափով դրսևորվում է նաև նրա աշխատանքային ակտիվությամբ, որովհետև այն շարունակելով մնալ հիմնական արտադրողական ուժ, իր ակտիվ ստեղծագործական աշխատանքով նպաստում է հասարակության առաջընթացին: Այդ հարցի մեկնաբանման էլ նվիրված է գրախոսվող աշխատության հինգերորդ գլուխը (հեղինակներ՝ Ս. Ամիրյան, Կ. Խուդավերդյան), որտեղ ցույց է տրված, որ առաջին հերթին բանվոր դասակարգի միջոցով է ստեղծվում կոմունիզմի նյութատեխնիկական բաղանջ: Միաժամանակ իրավացիորեն նշվում է, որ բանվոր դասակարգի դերը որոշվում է ոչ միայն նրա թվաքանակով (որը կարող է տնտեսության զարգացմանը, գիտատեխնիկական առաջադիմության արագացմանն ու ժամկետանը զուգընթաց փոփոխվել), այլև հասարակական արդյունքի արտագրման մեջ ունեցած մասնակցությամբ:

Բանվոր դասակարգի առաջատար դերին նպաստող հանգամանքներից մեկը գիտատեխնիկական առաջընթացի ժամկետան ու արագացման գործում նրա ակտիվ մասնակցությունն է: Այդ տեսակետից ճիշտ է այն հարցադրումը, որ զարգացած սոցիալիզմի պայմաններում ևս, տեխնիկական առաջընթացի համար բանվոր դասակարգի պայքարը դարձել է նրա գործունեության բնորոշ գծերից մեկը: Այս հանգամանքը ստիպում է, որ աճի բանվորի ստեղծագործական ակտիվությունը և բարձրանա նրա կուլտուր-տեխնիկական մակարդակը: Այս գլխում հատուկ ուշադրություն է դարձված բանվորների ստեղծագործական ակտիվության դրսևորման չնչինիս ձևերի մեկնաբանմանը, ինչպիսին սոցիալիստական մրցությունն է, որը զարգացած սոցիալիզմի պայմաններում ստանում է նոր բովանդակություն և դրսևորվում նոր ձևերով: Բանվոր դասակարգի առաջատար դերին, նրա ստեղծագործական ակտիվությանը նպաստող կարևոր պայմաններից մեկն արտադրության կառավարմանը նրա մասնակցությունն է: Ինչպես իրավացիորեն գրում է Կ. Խուդավերդյանը, սովետական բանվոր դասակարգը ոչ միայն հիմնական արտադրողական ուժ է, այլև երկրի ղեկավար դասակարգն է, որի ֆունկցիաները դուրս են գալիս ձեռնարկության շրջանակներից և ընդգրկում մեր հասարակության կյանքի բոլոր կողմերը (էջ 127): Կ. Խուդավերդյանը հանգամանորեն ցույց է տվել, որ բանվորներին իրենց ձեռնարկության կառավարմանն առաջին հերթին մասնակցում են արտադրական միավորումների, գործարանների և ֆաբրիկաների կուսակցական և արհմիութենական կազմակերպությունների միջոցով: Որպես կանոն, բանվորները գերակշռում են ոչ միայն ձեռնարկության սկզբնական կուսակցական կազմակերպությունում, այլև այդ կազմակերպությունների ընտրական օրգանների կազմում, այն է՝ արտադրամասային կուսակցական բյուրոներում, գործարանային կուսակցական կոմիտեներում (էջ 178):

Բանվոր դասակարգն իր առաջատար դերն իրականացնում է կոմունիստական կուսակցության միջոցով: Այդ հետեւությունը հաստատող փաստերը համոզիչ են, և քննվող գլխում բազմաթիվ օրինակներով ցույց է տրված Հայաստանի կոմունիստական կուսակցության սոցիալական կազմը, նրա դինամիկ աճը և փոփոխությունները, որոնք կրկին հաստատում են, որ ՍՄԿԿ-ն, վերածվելով համաժողովրդական կուսակցության, շարունակում է մնալ որպես բանվոր դասակարգի կուսակցություն:

³ Այդ մասին ավելի մանրամասն տե՛ս «Вопросы истории КПСС», 1982, № 4, с. 113; «Коммунист», 1981, № 13, с. 71.

Գրախոսվող ժողովածուի վեցերորդ գլխում (հեղինակներ՝ Կ. Խուզավերդյան, Ռ. Աղիզ-րեկյան) կարևոր տեղ է տրված Հայաստանի բանվոր դասակարգի նյութական բարեկեցու-թյան և կուլտուրական պահանջների աճի բավարարման հարցերի մեկնաբանմանը, բերված են բազմաթիվ վիճակագրական տվյալներ, արված են համեմատություններ, որոնք համոզիչ ցույց են տալիս հանրապետության ԳԱ հնագոյություն և ազգագրության ինստիտուտի սոցիոլոգիական հետա-զոտությունների արդյունքների հիման վրա Ռ. Աղիզբեկյանը կադմիլ է աղյուսակ, որը հստակ պատկերացում է տալիս բանվորների հետաքրքրությունների մասին: Միաժամանակ իրավա-ցիորեն քննադատական խոսք է ասվում հանրապետության վիճակագրական մարմինների հասցեին, որոնք հրապարակած նյութերում տեղ չեն գտնում Հայաստանի աշխատավորու-թյան առանձին խավերի կուլտուրական պահանջները քննադատող շատ տվյալներ (էջ 201):

Աշխատության ամենամեծ արժանիքներից է այն, որ նրանում (Խոբերդի գլուխ) տրված է քննվող պորբեմի պատմագրությունը: Հեղինակը (Կ. Խուզավերդյան), օբյեկտիվորեն գնա-հատելով սովետահայ պատմագրության ծառայությունը հանրապետության բանվոր դասա-կարգի պատմության մեկնաբանման կարևոր գործում, միաժամանակ նշել է այն թերություն-ները, բացթողումներն ու վրիպումները, որոնք տեղ են գտել առանձին հեղինակների աշխա-տություններում: Ընդհանուր առմամբ ըստ արժանվույն պնդատելով սովետահայ պատմա-գրության նվաճումները հանրապետության բանվոր դասակարգի պատմության մինչև վեր-ջին ժամանակներս սակավ ուսումնասիրված ընդհանուրում, Կ. Խուզավերդյանը գիտակ է հա-սում մակարդակով է վերլուծում նյութը, անելով ուշագրավ ամփոփումներ ու ընդհանրացում-ներ: Հետաքրքիր է նաև այն, որ Կ. Խուզավերդյանը վերլուծելով միևնույն պորբեմին վե-րաբերվող նույն հեղինակի աշխատությունները, ցույց է տվել, թե ինչպիսի դարգացում է անցել ուսումնասիրվող պորբեմը: Նա նաև կատարել է նույն ժամանակաշրջանին և պորբե-մին վերաբերվող տարբեր հեղինակների աշխատությունների վերլուծությունը և անցկացնել զուգահեռներ, ընդգծելով այն յուրահատուկը, որը հատուկ է տվյալ հեղինակին: Վերլուծելով աշխատությունները, նա նշել է նաև հանրապետության բանվոր դասակարգի պատմությանը վերաբերվող այն հարցերն ու պորբեմները, որոնք կարոտ են ավելի հանգամանալի ուսում-նասիրության:

Տալով հանրապետության բանվոր դասակարգի պատմագրությունը, Կ. Խուզավերդյանը չի բավարարվել միայն զարգացած սոցիալիզմի ժամանակաշրջանին վերաբերվող աշխատու-թյունների վերլուծմամբ, նա ընդգրկել է Սովետական Հայաստանի բանվոր դասակարգի պատ-մության հետ առնչվող գրեթե բոլոր աշխատությունները, գնահատելով և արժեքավորելով դրանցից յուրաքանչյուրը:

Սանթրանյալով Սովետական Հայաստանի բանվոր դասակարգի պատմությանը վերաբեր-վող գրականության տեսությունը, մեկ անգամ ևս համոզվում ենք, որ անհամեմատ ավելի լավ է ուսումնասիրված հանրապետության բանվոր դասակարգի մինչև զարգացած սոցիալիզմի ժամանակաշրջանի պատմությունը: Կ. Խուզավերդյանն իրավացիորեն առաջ է քաշել հանրա-պետության բանվոր դասակարգի՝ հատկապես զարգացած սոցիալիզմի ժամանակաշրջանի պատմությունն առավել հանգամանորեն ուսումնասիրելու խնդիրը, ի նկատի ունենալով այն-պիսի ընդգնացողներ, ինչպիսիք են սոցիալիստական մրցությունը, բանվոր դասակարգի հասարակական-քաղաքական գործունեությունը, գիտատեխնիկական առաջընթացի արագաց-մանը բանվորների մասնակցությունը, բանվոր դասակարգի դաշինքը գյուղացիության և մտա-վորականության հետ, նրա ազդեցությունը հասարակության սոցիալական կառուցվածքի վրա և այլն: Կարծում ենք, որ վերը թվարկված խնդիրների կարևոր է նրա ավելացնել բանվոր դա-սակարգի առաջատար դերն ապահովող այնպիսի գործոնի ուսումնասիրությունը, ինչպիսին բանվոր դասակարգի կուլտուր-տեխնիկական մակարդակի բարձրացումն է (որը, ի դեպ, գրքում գրեթե լուսաբանում չի ստացել) և իբրև դրա արդյունք՝ նրա սոցիալական, ստեղծա-գործական ակտիվության աճը:

Ամփոփելով նշենք, որ գրախոսվող աշխատությունն ընդհանուր առմամբ արժանի է դրվատանքի: Այն առաջին կոնկրետ վիճակագրություն է՝ նվիրված զարգացած սոցիալիզմի շրջանի հանրապետության բանվոր դասակարգի պատմությանը, որում համակողմանիորեն ցույց է տրված նոր հասարակարգ կերտողի հեղափոխական, առաջատար դերը:

ՀԵՆՐԻԿ ԱՐԲԱՆՄԱՆ

Պատմական գիտությունների բեկեման